

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Zenica, 05.11.2021. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 25. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), a u vezi sa odredbama Pravila Javne ustanove "Centar za socijalni rad" Zenica (broj: 04/1-05-3-561/19 od 15.07.2019. godine, broj: 04/1-05-3-613/19 od 02.08.2019. godine i broj: 04/1-05-3-451/21 od 26.05.2021. godine) i Pravila Javne ustanove "Dom za stara lica Zenica" Zenica - Prečišćeni tekst (broj: UO 01-35-229/21 od 18.06.2021. godine), u postupku izbora i imenovanja upravnih odbora javnih ustanova, Gradonačelnik Grada Zenice, objavljuje

**OGLAS
za izbor i imenovanje upravnih odbora javnih ustanova
„Centar za socijalni rad“ Zenica i „Dom za stara lica Zenica“ Zenica**

Objavljuje se Oglas za izbor i imenovanje članova upravnih odbora javnih ustanova u Zenici, kako slijedi:

- 1. Upravni odbor Javne ustanove „Centar za socijalni rad“ Zenica i**
- 2. Upravni odbor Javne ustanove „Dom za stara lica Zenica“ Zenica**

Upravni odbor sastoji se od tri člana, od kojih se jedan član imenuje iz reda stručnih radnika zaposlenih u ustanovi.

Mandat članova upravnih odbora je četiri (4) godine uz mogućnost ponovnog imenovanja u skladu sa Zakonom.

I OPIS POZICIJE

Upravni odbor ima sljedeće nadležnosti: donosi pravila ustanove; imenuje i razrješava direktora; utvrđuje godišnji program rada; utvrđuje planove rada i razvoja; donosi finansijski plan i usvaja godišnji obračun; donosi opće akte utvrđene zakonima i pravilima ustanove; usmjerava, kontroliše i ocjenjuje rad direktora; odlučuje o svim pitanjima obavljanja djelatnosti radi koji je ustanova osnovana, ako zakonom nije određeno da o određenim pitanjima odlučuje drugi organ ustanove; rješava sva pitanja odnosa sa osnivačem, odgovara osnivaču za rezultate rada ustanove; odlučuje o prigovoru radnika na rješenje kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa; podnosi osnivaču najmanje jedanput godišnje izvještaj o poslovanju ustanove; donosi poslovnik o radu upravnog odbora; odlučuje o korištenju sredstava preko iznosa utvrđenog pravilima ustanove; vrši i druge poslove u skladu sa zakonom i pravilima ustanove.

Kandidati za upravne odbore ustanova moraju ispunjavati opće i posebne uslove.

II OPĆI USLOVI

Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u ustanovi u čiji se upravni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član ni u jednom upravnom ili nadzornom odboru ustanove, odnosno privrednog društva sa većinskim državnim kapitalom, te da nije član odbora za reviziju,
9. da nije direktor ustanove,
10. da nije osuđivan za krivično djelo,
11. da nije pravosnažnim rješenjem kažnjavan za prekršaje nespojive sa dužnošću u upravnom odboru, niti mu je izrečena zaštitna mjera zabrane obavljanja aktivnosti u nadležnosti upravnog odbora u posljednjih pet godina od dana pravosnažnosti rješenja,
12. da nije stariji od 70 godina na dan imenovanja.

III POSEBNI USLOVI

Posebni uslovi za imenovanje su:

1. VSS - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
2. najmanje 3 godine radnog iskustva u struci nakon sticanja visoke stručne spreme,
3. sposobnost za savjesno, odgovorno i odlučno obavljanje upražnjene pozicije,
4. sposobnost nepristrasnog donošenja odluka,
5. komunikacijske i organizacijske sposobnosti,
6. sposobnost tumačenja ekonomskih i pravnih analiza i propisa, osobito iz djelatnosti organa u kojem se kandidira na upražnjenu poziciju,
7. rezultati rada ostvareni tokom poslovne karijere,
8. preporuke ranijih neposrednih rukovodilaca.

IV POTREBNI DOKUMENTI

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom obrazovanju,

2. dokaz o traženom radnom iskustvu nakon sticanja tražene stručne sprema (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama 3. do 9. Općih uslova iz Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost Općih uslova iz tačke 10. i 11., odgovorni javni službenik će zatražiti od kandidata koji budu predloženi za konačno imenovanje.

Kandidati koji bude izabrani dužni su Uvjerenja iz tačke 10. i 11. Općih uslova Oglasa dostaviti u roku od tri dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu na javni oglas moraju biti originali ili u ovjerenoj kopiji.

Kandidati su dužni u prijavi i na koverti naznačiti naziv ustanove u čiji upravni odbor se kandiduju, kao i napomenu ako se kandiduju iz reda stručnih radnika zaposlenih u ustanovi.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu na javni oglas, sa svim traženim dokumentima, potrebno je dostaviti lično ili preporučeno poštom na adresu:

GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine br. 6
72 000 Zenica, sa naznakom,
„Prijava na Oglas za izbor i imenovanje članova upravnih odbora javnih ustanova
„Centar za socijalni rad“ Zenica i „Dom za stara lica Zenica“ Zenica
- NE OTVARATI“

GRADONAČELNIK
Fuad Kasumović